


1605_044r.jpg



Suite de l'Histoire de la Paix. 44

cord luy acquist vn tres-grand renom, car apres auoir fait veoir à ce Tartare toutes les forces de Rulsie, fait iouer plusieurs fois tout le canõ, lequel estoit rangé des deux costez d'vn chemin large de demie lieuë, & les pieces assez esloignées l'vne de l'autre, le faisant passer quelques fois entre les canons, finalement il le renuoya avec force presens. Apres que Boris eut licencié l'armee, il s'en retourna en la ville de Mosco, où il fut couronné en grand triomphe Empereur des Russes le 1. Septembre 1598. Il fit courir vn bruit que le Tartare ayant entendu qu'il luy alloit au deuant, n'auoit osé passer outre.

Lors de ce couronnement le ieune Prince Demetrius, dernier fils de Iean Basile, que sa mere l'Imperatrice auoit fait cacher fort secrettement, pouuoit auoir de dix-sept à 18. ans: & bien que le bruit fust parueniu aux oreilles de Boris, auant que d'estre Empereur, que ce Prince n'estoit point mort, & que celuy qu'il auoit enuoyé tuer, puis fait enterrer à Vglits, n'estoit qu'vn ieune enfant qui luy ressembloit, lequel on auoit supposé en sa place; si ne peust-il le trouuer, quelque recherche qu'il en fist. Ceux qui li fidellement le garderent caché, voyant qu'apres la mort de son frere Theodore, Boris estoit fait declarer Empereur, aduiserent de le faire sortir hors de Rulsie & Penuoyer secrettement en Pologne; ce qu'ils firent; & le baillerent en la conduite d'vn moyne nommé Rostrigue, autrement Gregoire Otrepiof, qui auoit esté autresfois Secretaire du Patriarche de Rulsie. Bien que Boris eust du vent de

1605.


Russes fait
par Boris.

Boris couronné
Empereur des
Russes.

Le Prince
Demetrius
tenu caché
quelque
temps, se
sauue en
Pologne.

F iij

1605_044v.jpg



Le Mercure François, ou,


1605. ceste fuitte, & qu'il eust mis de tres-estroites gardes sur les frontieres, ils passerent en Pologne, & sans estre cogneus Rostrigue mit Deme-trius au seruire du Seigneur Visnouesqui, gen-dre du Palatin de Sendomirie: Peu apres il se mit au seruire du Palarin: s'estant descouvert à luy, il le mena en la Court de Pologne, & par son moyen recouura l'Empire de ses peres sur Boris, comme nous dirons cy apres. Voyons ce pendant quel fut le regne de Boris, & comme il iouyt de l'Empire aussi paisiblement qu'autre Empereur ait iamais fait en Russie.

Aussi tost qu'il se vit esleué au throsne de Russie, il commença de chager ces façons accoustumees; qui estoit d'ouyr particulièrement les ne-cessitez & requestes d vn chacun, car au lieu de cela il se tenoit clos se monstrant peu souuent au peuple, & ce avec beaucoup plus de ceremo-nie & difficulté qu'aucuns de ses predecesseurs; outre-ce il commença à enuoyer en exil tât au-cuns Grands que ceux desquels il se soupçon-noit: Il faisoit des mariages comme bon luy sembloit, alliant à ceux de sa parenté les plus Grands de Moscouie, & ceux desquels il se pen-soit seruir: Il feit faire deffences à quelques Ducs de semarier sans sa permission, entre-au-tres à celuy de Mistiflofsqui, & à l'aisné des Choutfqui, (duquel sera parlé cy apres, par-ce qu'il est à present regnant en Moscouie:) Il enuoya à Tzar Simeon du vin pour boire à sa santé le jour de sa natiuité, dont il deuint auen-beut apres luy.

Quel fut le commencement du regne de Boris.

Ne vouloit que les Grands & les Ducs se mariassent sans sa permission. Il fait perdre la veüe à Tzar Simeon en buuant du vin.

1605_045r.jpg



Suite de l'Histoire de la Paix. 45

1605.

Il n'auoit qu'un fils nommé Feder Boriseuits, & vne fille : mais afin de s'asseurer & les siens à l'aduener d'auantage au thronne des Russes, il practiqua de marier ses enfans avec les Princes estrangers ses voisins : ceste entreprise là ne réussit pas selon son desir, car ayant fait venir à Mosco Gostaues fils de Heric Roy de Suece, sous esperance de luy donner sa fille en mariage, bien qu'il luy eust fait de beaux & riches presents, avec don de grandes terres pour son entretènement, ses complexions ne luy pleurent pas, & fut congedié. Aussi l'an 1602. Le Duc Jean, frere de Christierne Roy de Dannemarc, arriua pour ce mesme subiect à Mosco, avec vne suite de deux cents Gentils-hommes Danois, il fut receu fort magnifiquement, disna à la table de Boris, qui l'appella son fils (contre la coustume des Russes:) mais quinze iours apres son arriuee deueni malade, il mourut & fut enterré à Mosco, dont Boris & toute sa Court porterent le dueil trois sepmaines.

*Practique
les Rois &
Princes es-
tranger, pour
s'allier avec
eux par ma-
riages.*


Pendant tout ce temps sa ialousie & soupçon alloit tousiours croissant : il exila plusieurs fois les Choutsqui, les soupçonnant plus que tous autres, combien que le second frere auoit esté marié avec la sœur de sa femme : plusieurs ont esté tourmentez innocemment pour les auoir visitez, mesmes lors qu'ils estoient en grace.

*Deuient ia-
loux et soup-
çonneux.*


Nul des Medecins n'osoit à peine d'estre exilé visiter aucuns Seigneurs, ou leur administrer aucune chose sans ordre expres de l'Empereur, car il n'y a eu iamais en toute la Russie aucuns Medecins que ceux qui seruent l'Empereur, ny

*N il n'oseroit
aucun Medec-
in en Russie
que l'Em-
pereur.*

1605_045v.jpg



1605_046r.jpg



Suite de l'Histoire de la Paix. 46

1605.

tenant le succès de sa fortune depuis que le Palatin de Sendomirie l'eut mené en la Cour de Pologne.

Sur la parole du Palatin de Sendomirie le Roy de Pologne voulut ouyr le Prince Demetrius, qui luy fit le discours des accidēs de sa vie, avec vne telle majesté & force d'esprit, accompagnée de bonnes preuues & d'indices irreprochables, entr'autres des marques qu'il auoit apportees du ventre de sa mere, à sçauoir vn portreau à costé droit entre le nez & l'œil, qui estoit fort apparent, & vne main bien plus longue que l'autre, dont le Roy & son Conseil se tinrent pour deuëment acertoriez & esclaireis de la verité.


Demetrius monstre au Roy de Pologne les marques qu'il auoit apportees du ventre de sa mere.

Entre autres propos de la harangue qu'il fit deuant le Roy de Pologne, il luy dist; Que vostre Majesté se souuienne qu'elle naquit durant la prison de ses pere & mere, dont Dieu l'a deliurée, lequel veut aussi que vous me restabliesiez dans l'Empire de mon pere, duquel ie suis despoiüllé. Et ie vous promets, qu'en le faisant il en reüssira vn grand bien à toute la Chrestienté, parce qu'estant restably en la Moscouie & es prouinces qui en dependent, ie vous assisterois au recouurement de vostre Royaume de Suëce: & à tenir le Turc en bride pour l'empescher de passer plus outre.

Demetrius s'en retourna sur les confins de la Lituanie, où il demeura pres de deux ans, & là où il apprit la langue Polonoise, & les ceremonies de l'Eglise Romaine. Il escriuit de sa main vne lettre au Pape Clement VIII. pour se re-

Demetrius se retire sur les confins de Lituanie.

1605_046v.jpg



Le Mercure François, ou,

3605. commander à ses prieres, & luy demander sa benediction: bien qu'il fust schismatique.

Durant ce temps l'Empereur Boris aduertit que Demetrius retiré sur les frontieres de Pologne, auoit esbranlé les cœurs de plusieurs Moscouites, qui estoient sur le poinct de se reuolter contre luy, tenta plusieurs moyens de le faire mourir, & de preuenir les desastres qui le menaçoient: mais estant derechef aduertit des preparatifs que faisoit Demetrius, & que plusieurs Nobles Russes falloient rendre à luy, & luy donnoient courage de se ietter dans le pays, il se seruit de trois moyens pour remedier à ces


Moyens que tint Boris pour empêcher les Polonois d'ayder à Demetrius.

inconueniens. Le premier fut d'enuoyer des Ambassadeurs vers le Roy de Pologne à la Diete de Varsauie, se plaindre des contrauentions à leur paix, en ce qu'il supportoit son ennemy, alleguant que Demetrius estoit vn fils de Prestre, vn affronteur qui deuoit estre liuré entre ses mains mort ou vif. Le second moyen fut de practiquer quelques Polonois pour trauerfer ceste entreprise. Le troisieme de faire garder la frontiere, & semer vn bruit par la Russie que Demetrius estoit vn enchanteur recogneu tel partout le pays. Le Roy de Pologne respondit sagement aux Ambassadeurs, & les renuoya: mais il fit preparer sourdement le secours qu'il auoit resolu de donner à Demetrius.


Ce secours s'assembla sur les confins de Lituanie: l'armee estoit de cinq mille Polaqués, entre lesquels on enroola les soldats qui auoient autres-fois fait la guerre en Moscouie, sous le Roy Estienne Battory, auquel se vindrent ioin-

Su
dre cinq
ment la
rien de
somme
dont il
l'æconc
quoy s'
prepara
couie f
Le g
après a
Polono
see, sou
paix fai
Apr
auec so
sans fai
par les
mēt vn
se rendi
puis il a
che, la
places,
plusieur
gorod, l
se decla
s'augme
est vn c
Gouern
Basman
fit si bo
Final
logea le


1605_047r.jpg




1605_047v.jpg



1605_048r.jpg



1605_048v.jpg



Le Mercure François, ou,

1605.

*Demetrius
perd la bataille & se
sauve à
Poutimel.*

*L'armee de
Boris assie-
ge Rilets en
vain.*

douze mil harquebuzades, qui mit si bien l'es-
pouente parmi les Polonois, qu'ils tournerent
bride en grande confusion. Cependant le reste de
la canallerie de Demetrius, & son infanterie
fapprochoient en aussi grande diligence qu'ils
pouuoient, pensans auoir tout gaigné : Mais
voyans les Polonois tourner bride en tel defor-
dre, commencerent à gagner au pied, & furent
poursuiuis par cinq ou six mil cheuaux plus de
deux lieus. Demetrius perdit en ceste bataille
presque toute son infanterie, quinze tant ensei-
gnes que cornettes, treize pieces d'artillerie, a-
uec cinq ou six mille homes qui demeurerēt sur
la place, sans vn nombre de prisoniers, desquels
tous ceux qui se trouuerent estre Russes, furent
pendus en l'armee: les autres furent menez avec
les cornettes & enseignes, trompettes & tam-
bours, en triomphe en la ville de Mosco. De-
metrius avec le reste des siens se retira à Pouti-
mel, où il demoura iusques au mois de May.

L'armee de Boris alla assieger Rilets qui se-
stoit rendu à Demetrius : mais apres y auoir de-
meuré quinze iours sans riē faire, le General fut
contraint de leuer le siege, en intentiō de licen-
cier pour quelques mois l'armee, laquelle estoit
bien fatigüe. Mais Boris aduertiy de cecy, es-
criuit aux chefs de son armee, avec expresse des-
fense de ne la licencier. Apres donc que l'armee
se fut vn peu rafraischie & reposée au pays de
Siuers, Mistislofsqui, & le Duc de Chout qui
s'acheminerent vers l'autre armee, laquelle (a-
pres auoir ouy la deffaicte de Demetrius) auoit
mis le siege à Crom: les deux armees iointes de-
meurerent

meu
que
ced
apop
Pe
ra de
150.
tout
rent
les V
nez,
Le
Gene
man
mort
par le
l'arm
Le
pref
duire.
Gouu
trius l
mee p
à Fede
fant p
fort f
contir
uoient
re, les
cun ap
Le sie
ne vou
por squ

Image issue du site mercurefrancois.ehess.fr - Cliché (c) Cécile Soudan